

绪，初八日晚器翁因有紧急事回家一走，当嘱陶翁并霖俟大驾有来申之信先期示知，霖接大人来信即专信往鄂，器翁接此实信，信到即星夜来申，彼此往返断不误大人来申之期会了此事也。

霖在申终日为诸匠追逼，不堪言状，此时器翁一走，大人不来，霖更难敷衍，今专稟请大人示知，定期何时来申，即望示知，以便专请器翁。如大人再有犹迟，此事霖奔驰心苦不足计也，但事仍属画并（饼），奈何，霖虽有分局，门面无示，人皆不取信。刻下到我处查捐，到公所报捐，我处非示来不能办也，即请赐示。恽大人薪水不知仰借大人山力，能为霖一助取来济急，霖有在陈之患，奈何，专此飞稟，即请大人慈悲体恤为感。如蒙转求伯相赏一上海电报局差使，霖亦可支持。匆匆草稟，即请升安！兆霖谨启。

#### 45 经元善致史兆霖函

光緒七年五月十三日（1881, 6, 9） 上海

花翁<sup>①</sup>司马大人閣下：昨两次失迓，歉甚，歉甚。地基一事昨知清帳业已估出，數在四万以外，惟此件系韵亭<sup>②</sup>兄主政，執事与韵翁接头，必知其詳也。肃复。順致升安！经元善頓首。十三。

#### 46 史兆霖致盛宣怀函

光緒七年五月十五日（1881, 6, 11） 上海

杏翁方伯大人閣下：迭悉寸稟，諒邀覽悉。久未接奉諭知，仰望之至，日來刻刻往新局催估一切，昨接□翁信，知悉一切情形，來函附閱，當晤韵翁，十五日叙談，知已公函布達，韵翁云此時所估照料物約估不能照全工核估，其中減數大有上下矣。現在器翁雖不在申，而工匠諸帳皆在霖處听信，此信萬萬不便告諸眾匠，信到即

① 花翁，即史兆霖。

② 韵亭，即李培松。

请驾临申江，早为了结为妥。迟恐诸匠难安，又出别故。为此飞禀，即请鉴核，霖一切难处恕不多谈，诸求大人垂爱，俾无禀陈之忠，是所叩祷，草禀，即请升安！兆霖谨启。十五。

\*  
47 戴恒、郑官应、龚寿图、李培松、  
蔡鸿仪、经元善致盛宣怀函

光绪七年五月二十日(1881, 6, 16)到 上海

杏荪仁兄大人阁下：日前奉到公函，备悉一切，藉稔勋祺丕著，升祉增绥，式符颂私，以欣以慰。

弟等才慚袜线，妄意斲轮，绩愧经纶，敢希制锦，所幸庇及，诸事敉平。外间股分来尚源源，局中诸事件稍有眉目，差堪告慰耳。

承嘱一节，史华兄开到公估价值计七万余金。弟等复核在四万左右，业经弟培面复史兄，惟在尊事断无不尽心竭力，以图报命。现集同人公同商议，一切当再由弟寿另函缕复。因恐绮注，先此布陈。敬请勋安。诸祈惠照不备。愚弟戴恒、郑官应、龚寿图、李培松、蔡鸿仪、经元善同顿首。

48 史兆霖致盛宣怀函

光绪七年五月二十一日(1881, 6, 17) 上海

杏翁方伯大人阁下：昨由金纯翁寄上一函并帐单，想已览悉一切情形。

二十一日早将新局减帐与景细核，议及新局情形大约不便宜未必售也。照四万三之说，增至五万亦不易也。及是五万，找器翁一万，必不能了也。景翁<sup>①</sup>意照六万议，找器翁二万了事最妥，地交新局。大人只好让收一万，交二万器翁，由他了清各事收地。如大人一万不能少收，找二万出来，请器翁将地交出，立契收下，亦可

---

① 景翁，即唐景星。